



Ofisina Sentral di Statistik

Informashon : (+599 9) 8392300

Adrès: WTC Building, Piscaderabay s/n

E-mail: info@cbs.cw

Website: www.cbs.cw

Facebook: cbscur

Komunikado pa Prensa

Willemstad, 11 di yanüari 2022

Desaroyo di preisnan pa konsumidó na Kòrsou pa luna di òktober 2021

Willemstad - For di sifra ku Ofisina Sentral di Statistik (CBS) a publiká awe ta indiká ku e nivel di preis a subi ku 0,3 porshento na luna di òktober 2021 kompará ku luna di sèptèmber 2021. E sifra di inflashon a subi bira 3,4%

Desaroyo di preis luna òktober 2021 kompará ku e luna anterior sèptèmber 2021


E sifra índise di preis pa konsumidó (CPI, “Consumer Price Index”) di Kòrsou na luna di òktober a subi ku 0,3 porshento kompará ku luna di september 2021, e la desaroyá di 106.7 na sèptèmber 2021 pa 107.0 na luna di òktober 2021.

E kambionan di preis mas notabel durante e luna òktober 2021 ta: subida di awa (3,8%), gasolin (2,6%), kerosine (6,9%), vèt di komestibel (2,2%) i bahada di benzine (-0,6%), komementu pafu di kas (-0,3%), artikulonan di hòbi (-0,2%).

Desaroyo di preis luna di òktober 2021 kompará ku luna di òktober 2020

E CPI di òktober 2021 (107.0) ta 3,5 porshento mas haltu ku e CPI di òktober 2020 (103,4). Esaki ta indiká ku e nivel di preis pa konsumidó durante luna di òktober 2021 tabata 3,5% porshento mas haltu kompará ku e mes un luna na 2020.

E kategorianan ku mas a kontribuí na e kresementu ta kuminda, bibienda i salubridat



Inflashon ta reflehá pèrdida di balor di sèn, pues di forsa di kompra, dor di subida di preis di produkto i servisio pa e konsumidó riba término largu (usualmente 12 luna). E sifra di inflashon pues ta duna un indikashon di e subida promedio di kosto di bida, i p'esei ta ser rekomendá komo instrumento pa indeksashon di salario, penshun, ònderstant/ benefisio sosial, suèldu mínimo i otro entrada.

Inflashon den un sierto luna ta ser kalkulá dor di komparashon di e CPI promedio di 12 luna den e luna konserní ku e CPI promedio di 12 luna den mes luna e aña anterior. Si kompará e periodo di e último 12 luna te ku òktober 2021 ku mes periodo un aña anterior, ta resultá ku preisnan na averahe a subi ku **3,4 porshento**: e CPI promedio di 12 luna a desaroyá di 101.8 na òktober 2020 pa 105.2 òktober 2021.